

Hawdd ei Ddeall



Cyd-Bwyllgor Corfforedig
Gogledd Cymru
North Wales
Corporate Joint Committee

Ein cynllun ar gyfer trafnidiaeth yng Ngogledd Cymru



Mae'r ddogfen yma wedi cael ei hysgrifennu gan **Uchelgais Gogledd Cymru**. Mae'n fersiwn hawdd ei ddarllen o 'Gynllun Trafnidiaeth Rhanbarthol Gogledd Cymru'.

Gorffennaf 2025



Sut i ddefnyddio'r ddogfen yma



Dyma ddogfen hawdd ei deall. Efallai y byddwch chi angen help o hyd i'w darllen. Gofynnwch i rywun rydych chi'n ei adnabod eich helpu chi.



Lle mae'r ddogfen yn dweud **ni**, mae hyn yn meddwl **Uchelgais Gogledd Cymru**. Am ragor o wybodaeth cysylltwch â:

Gwefan: www.uchelgaigogledd.cymru

Ebost: gwyb@uchelgaigogledd.cymru



Mae [Hawdd ei Ddeall Cymru](http://www.hawdd-ei-ddeall.cymru) wedi gwneud y ddogfen yma yn Hawdd ei Ddeall gan ddefnyddio **Photosymbols**. [I ddweud wrthyn ni beth rydych chi'n feddwl am y fersiwn hawdd ei ddeall yma, cliciwch yma.](#)

[Rhiftrwydded Photosymbols 403527247](#)

Cynnwys

Am y cynllun yma	4
Beth rydyn ni eisiau ei newid.....	6
Newidiadau i drenau	7
Cefnffyrdd	8
Bws	9
Bysiau a thrafnidiaeth gymunedol	10
Cerdded, cadeiriau olwyn a beicio	11
Porthladdoedd a nwyddau	12
Ffyrdd, strydoedd a pharcio.....	13
Mynediad i feysydd awyr.....	14
Cysylltiad digidol	15
Ymddygiad teithio.....	17
Gwell cysylltiadau	18
Cynllunio	18
Edrych dros y cynllun yma	19

Am y cynllun yma



Ni ydy **Uchelgais Gogledd Cymru**.



Rydyn ni'n cynnwys y 6 cyngor yng Ngogledd Cymru. A rhai prifysgolion a cholegau.



Rydyn ni wedi gweithio gyda'n gilydd i wneud y cynllun yma.



Mae'n bwysig iawn bod pobl yn gallu mynd o gwmpas yn hawdd yng Ngogledd Cymru. Er enghraifft, fe ddylai hi fod yn hawdd i bobl:

- mynd i'r gwaith,
- mynd i'r ysgol,
- mynd i siopa,
- a llawer o bethau eraill.



Rydyn ni wedi gwneud y cynllun yma i wella trafnidiaeth yng Ngogledd Cymru.



Mae'n dweud beth sydd angen ei wneud yn y 5 mlynedd nesaf.



Fe wnaethon ni ofyn i'r cyhoedd beth roedden nhw'n feddwl o'r cynllun.

Beth rydyn ni eisiau ei newid



Rydyn ni eisiau iddo fod yn fwy diogel i gerdded, beicio, defnyddio cadeiriau olwyn a defnyddio trafnidiaeth gyhoeddus.



Rydyn ni eisiau i drafnidiaeth gyhoeddus fod yn rhatach.



Rydyn ni eisiau i fysiau a threnau redeg yn amlach ac ar amser.



Rydyn ni eisiau i fysiau a threnau fod yn well i'r amgylchedd.



Rydyn ni eisiau iddi fod yn haws cynllunio teithiau gan ddefnyddio'r rhyngrwyd a ffonau.



Rhai o'r newidiadau rydyn ni eisiau eu gwneud ydy:

Newidiadau i drenau



Mae rheilffyrdd yng Ngogledd Cymru yn cael eu rhedeg gan Lywodraeth y DU. Felly does gan gynghorau lleol ddim unrhyw reolaeth drostyn nhw.



Ond rydyn ni eisiau gweld y pethau yma yn gwella:

- Prif Reilffordd Gogledd Cymru a Gorsaf Caer
- Llinell Wrecsam i Lerpwl
- Cyfnewidfa Gorsaf Shotton
- Gorsaf newydd ym Mharc Diwydiannol Glannau Dyfrdwy
- Llinell Amwythig – Wrecsam – Caer
- Llinellau Dyffryn Conwy ac Arfordir y Cambria

Cefnffyrdd



Mae hyn yn meddwl prif ffyrdd mawr iawn. Maen nhw'n cysylltu lleoedd i'w gwneud hi'n haws i bobl deithio pellteroedd hir, ac i ddosbarthu nwyddau.

Dydyn ni ddim yn rheoli'r ffyrdd yma. Ond rydyn ni eisiau gweld:



- Y ffyrdd yn cael eu gwella. Felly maen nhw'n fwy diogel ac yn llai prysur.



- Gwell cysylltiadau ar draws Afon Menai.

Bws



Rydyn ni eisiau i fysiau fod yn well i'r amgylchedd.



Rydyn ni eisiau mwy o fysiau yn mynd i fwy o leoedd.



Fe ddylai fod yna fysiau o leiaf bob awr rhwng y prif drefi. Rhwng 7am a 10pm.



Fe ddylai bysiau gysylltu pentrefi â threfi mawr o leiaf 3 gwaith y dydd.



Fe fyddwn ni'n cefnogi Llywodraeth Cymru gyda'r ffordd mae gwasanaethau bysiau yn cael eu rheoli.

Bysiau a thrafnidiaeth gymunedol



Mae coetsys yn gallu bod yn ddefnyddiol ar gyfer teithiau hir. Ac ar gyfer llwybrau lle nad oes yna fysiau.



Rydyn ni eisiau mwy o wasanaethau bysiau rhwng trefi a dinasoedd lle nad oes trenau.



Rydyn ni'n cefnogi'r gwasanaethau o'r enw '**Fflecsi**' a '**Ring and Ride**'. Mae'r rhain yn wasanaethau trafnidiaeth sy'n gallu eich codi a'ch gollwng mewn lleoedd sy'n haws i chi.



Rydyn ni eisiau i '**Sherpa'r Wyddfa**' barhau i fynd. Mae hwn yn wasanaeth bws sy'n teithio o amgylch Yr Wyddfa. Rydwn ni eisiau i'r gwasanaeth yma gysylltu â bysiau a threnau eraill yn well.

Cerdded, cadeiriau olwyn a beicio



Rydyn ni eisiau iddi fod yn haws gwneud y pethau yma.

Rydyn ni eisiau gweld newidiadau fel:



- Gwneud hi'n gyflymach ac yn fwy diogel i wneud y pethau yma.



- Cefnogi llogi beiciau ac offer arall mewn ffordd ddiogel. Ac mae pobl yn gallu ei fforddio.

Porthladdoedd a nwyddau



Mae hyn yn meddwl symud cynhyrchion ar longau a lorïau.

Rhai o'r newidiadau rydyn ni eisiau eu gweld ydy:



- Gwella porthladdoedd a chael mwy o swyddi yno.



- Gwneud gwasanaethau i yrwyr lorïau mawr yn fwy diogel ac yn haws.



- Gwella trwy ddefnyddio tanwydd glân. Er enghraifft, cerbydau trydan.



- Defnyddio mwy o reilffyrdd i symud cynhyrchion. Mae hyn yn well i'r amgylchedd.

Ffyrdd, strydoedd a pharcio



Rydyn ni eisiau i bobl deithio mewn ffyrdd sy'n lanach i'r amgylchedd.



Ond rydyn ni'n gwybod bod angen gwneud llawer o deithiau mewn car o hyd. Er enghraifft, mewn ardaloedd cefn gwlad.



Rydyn ni eisiau i ffyrdd fod yn ddiogel ac mewn cyflwr da.



Fe fyddwn ni'n helpu pobl i feddwl am ffyrdd gwyrddach o deithio. Mae hyn yn meddwl teithio sy'n well i'r amgylchedd.



Rydyn ni eisiau i fwy o bobl ddefnyddio cerbydau trydan gan fod y rhain yn well i'r amgylchedd na cheir petrol a diesel.



Rydyn ni eisiau i'n strydoedd a'n hardaloedd deimlo'n ddiogel. Fe fyddwn ni'n edrych ar ein meysydd parcio a'n costau.



Fe fyddwn ni'n cefnogi cynlluniau rhannu ceir. Dyma lle mae pobl sy'n teithio i'r un lle, yn teithio gyda'i gilydd mewn 1 car.

Mynediad i feysydd awyr



Mae 3 maes awyr mawr yn agos at Ogledd Cymru. Maen nhw yn Lerpwl, Manceinion a Birmingham.



Mae yna hefyd Faes Awyr Môn ar gyfer teithiau byr.



Rydyn ni eisiau ei gwneud hi'n haws teithio i feysydd awyr.

Cysylltiad digidol



Mae Llywodraeth Cymru eisiau i lawer mwy o bobl weithio i ffwrdd o'u swyddfa.



Fe fydd hyn yn helpu i leihau traffig a llygredd.



Felly mae'n bwysig bod pobl yn gallu mynd ar-lein a defnyddio cyfrifiaduron yn hawdd.

Rhai newidiadau rydyn ni eisiau eu gweld ydy:



- Gwell canolfannau gweithio lleol. Lleoedd ydy'r rhain lle mae pobl yn gallu gweithio yn agos at eu cartref. Mae'n helpu i stopio teithio i leoedd prysur.



- Mwy o hyfforddiant ar gyfrifiaduron a gwasanaethau ar-lein.



- Gwell gwybodaeth ar-lein am wasanaethau ac amseroedd trafnidiaeth gyhoeddus.

Ymddygiad teithio



Rydyn ni eisiau i bobl gael mwy o ddewisiadau teithio.



Rydyn ni eisiau i bobl wneud dewisiadau da am deithio. Er enghraifft, meddwl am yr amgylchedd.



Rydyn ni eisiau i bobl gael y wybodaeth maen nhw ei angen am deithio yn hawdd.



Rydyn ni eisiau i ymwelwyr ddefnyddio trafnidiaeth gyhoeddus a chefnogi twristiaeth yn yr ardal.

Gwell cysylltiadau



Mae pobl yn aml yn gorfod defnyddio mwy nag 1 math o drafnidiaeth ar gyfer taith. Fe ddylai fod yn haws gwneud hynny.



Mae angen i'r gwahanol fathau o drafnidiaeth gysylltu'n dda.



Mae hyn yn meddwl tocynnau yn cael eu defnyddio ar fwy nag un math o drafnidiaeth. Ac amserlenni gwell.

Cynllunio



Mae angen i gynllunio ar gyfer dinasoedd a threfi feddwl mwy am drafnidiaeth a chysylltiadau.


Edrych dros y cynllun yma



Fe fyddwn ni'n edrych pa mor dda mae nodau'r cynllun yma yn cael eu cyflawni.



Fe fydd cyfarfodydd rheolaidd am ddatblygiadau a diweddariadau.



Fe fyddwn ni'n ysgrifennu adroddiad bob blwyddyn ar gyfer Llywodraeth Cymru. Ac adroddiad mwy bob 3 blynedd.